



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱՎԱՆ ԵՎ
ԱԾԽԱՏԱՆՔԻ ՏԵՍԶԱԿԱՆ ՄԱՐՄԻՆ

ՂԵԿԱՎԱՐ

N 02/14182021

0047 ՀՀ Երևան, Նորք-Մարաշ, Ա. Արմենակյան 129

(374-10) 65-05-53, 65-03-05

Էլ. փոստ՝ info@hlib.am

« 22 » 02 2021թ.

ԿԱՐԳԱԴՐԱԳԻՐ 0032

«ԲԻՈԹԻ» ՍՊ ԸՆԿԵՐՈՒԹՅԱՆԸ (ՀՎՀՀ՝ 04232575)

ԱՌԱՋԱԴՐԱՆՔ ՏԱԼՈՒ ՄԱՍԻՆ

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետը և հաշվի առնելով Հայաստանի Հանրապետության առողջապահական և աշխատանքի տեսչական մարմնի (այսուհետ՝ Տեսչական մարմին) իրազեկման, խորհրդատվության և հանրության հետ տարվող աշխատանքների բաժնի պետի պարտականությունները կատարող Արմինե Մինասյանի զեկուցագիրը, Տեսչական մարմնի ղեկավարի 2021 թվականի հունվարի 27-ի ՎՎ-0042-Ա հրամանով հարուցվել է վարչական վարույթ՝ ՀՀ ք.Երևան, Ավետ Ավետիսյան փողոց, թիվ 67 շենք, թիվ 41/1 տարածք հասցեում գործող «Բիոթի» սահմանափակ պատասխանատվությամբ ընկերությունում (այսուհետ՝ նաև Ընկերություն) «Դեղերի մասին» ՀՀ օրենքի 16-րդ հոդվածի 1-ին և 23-րդ հոդվածի 2-րդ մասերի պահանջների պահպանումը պարզելու նպատակով:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասը, հարուցված վարչական վարույթի շրջանակներում Տեսչական մարմնի մասնագետների կողմից 2021 թվականի հունվարի 29-ին ՀՀ ք.Երևան, Ավետ Ավետիսյան փողոց, թիվ 67 շենք, թիվ 41/1 տարածք հասցեում գործող Ընկերությունում իրականացվել է զննում: Զննման ընթացքում դեղատանը չի հայտնաբերվել զեկուցագրում նշված «Գելոֆեն» դեղը, սակայն Ընկերության տնօրեն Հասմիկ Աղաջանյանի գրավոր բացատրության համաձայն՝ «Գելոֆեն» դեղաձևը չի վաճառվել դեղատանը: Այն դեղատան



ՀԱՆՐԱՊԵՏՈՒԹՅԱՆ ԱԾԽԱՏԱՆՔԻ
HEALTH AND LABOR INSPECTION BODY
OF THE REPUBLIC OF ARMENIA

0047, ՀՀ, ք. Երևան, Նորք-Մարաշ, Ա. Արմենակյան 129

Հեռ. (374-10) 65-05-53 Էլ. փոստ՝ info@hlib.am

www.hlib.am

Թեժ գիծ՝ 8107



տարածքում գործող կոսմետոլոգիական կենտրոնի աշխատակցի կողմից տրվել է իր հաճախորդներին՝ կոսմետիկ միջամտության ժամանակ, որպես ցավազրկող միջոց:

Տեսչական մարմնի ղեկավարի փետրվարի 03-ի N ՎՎ-0061-Ա հրամանով Տեսչական մարմնի ղեկավարի 2021 թվականի հունվարի 27-ի ՎՎ-0042-Ա հրամանի մեջ կատարվել է փոփոխություն և լրացում:

2021 թվականի փետրվարի 5-ին Տեսչական մարմնի մասնագետների կողմից ՀՀ ք.Երևան, Ավետ Ավետիսյան փողոց, թիվ 67 շենք, թիվ 41/1 տարածք հասցեում գործող Ընկերությունում զննման ընթացքում պարզ է դարձել, որ Ընկերությանը 2019 թվականի հունվարի 29-ին Հայաստանի Հանրապետության առողջապահության նախարարության կողմից տրված Կ-ԴԳ-002287 լիցենզիայի մեջ կատարվել է փոփոխություն: Այն է՝ դեղատնային գործունեություն իրականացնելու համար տրված լիցենզավորված տարածքում, սանհանգույցի նախամուտքում, կահավորվել է կոսմետոլոգիական կաբինետ՝ չունենալով արտահիվանդանոցային կոսմետոլոգիական տեսակն իրականացնելու լիցենզիա և այդ մասին ժամանակին չհայտնելով լիցենզավորող մարմին, որով խախտվել են «Բնակչության բժշկական օգնության և սպասարկման մասին» ՀՀ օրենքի 3-րդ և 27-րդ հոդվածների 1-ին մասերի պահանջները:

2021 թվականի փետրվարի 10-ին, ժամը 14:00-ին, Տեսչական մարմնի Երևան քաղաքի տարածքային կենտրոնում (ք.Երևան, Սայաթ-Նովայի պողոտա, թիվ 2 շենք) տեղի է ունեցել վարչական վարույթի լսում, որին ՀՀ ք.Երևան, Ավետ Ավետիսյան փողոց, թիվ 67 շենք, թիվ 41/1 տարածք հասցեում գործող մ «Բիոթի» սահմանափակ պատասխանատվությամբ ընկերության տնօրեն Հասմիկ Աղաջանյանը պատշաճ ծանուցվել էր և ներկայացել:

Վարչական վարույթի լսմանը նա նշեց, որ զննման արձանագրությունը ստորագրելու պահին շփոթված է եղել և հիմա հրաժարվում է իր գրավոր խոսքից:

Լսմանը ներկայացել էին նաև Ընկերության տնօրենի կողմից լիազորված անձ (լիազորագիր՝ տրված 10.02.2021թ.) Վլադիմիր Կանջարյանը և «Բիոթի» սահմանափակ պատասխանատվությամբ ընկերության համասեփականատեր Սոհեիլ Բեյթոլահալակբարը: Լսման ժամանակ նա նշեց, որ ընդունում է այն փաստը, որ կոսմետոլոգիական կաբինետի գործունեության համար անհրաժեշտ բժշկական

գործիքները, սարքավորումները և բժշկական պարագաները տեղադրել է դեղատան լիցենզավորված տարածքում, սակայն դա եղել է իր չիմացության պատճառով և այդ մասով ընդունում է իր սխալը:

Հիմք ընդունելով վերոնշյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 1-ից մինչև 7-րդ գլուխների, «Բնակչության բժշկական օգնության և սպասարկման մասին» ՀՀ օրենքի 3-րդ և 27-րդ հոդվածների 1-ին մասերի և Հայաստանի Հանրապետության վարչապետի 2018 թվականի հունիսի 11-ի N 755-Լ որոշմամբ հաստատված Հայաստանի Հանրապետության առողջապահական և աշխատանքի տեսչական մարմնի կանոնադրության 19-րդ կետի 7-րդ ենթակետի պահանջներով՝

ԿԱՐԳԱԴՐՈՒՄ ԵՄ

ՀՀ ք.Երևան, Ավետ Ավետիսյան փողոց, թիվ 67 շենք, թիվ 41/1 տարածք հասցեում գործող «Բիոթի» սահմանափակ պատասխանատվությամբ ընկերությանը՝ ի դեմս տնօրեն Հասմիկ Աղաջանյանի.

1 Սույն կարգադրագիրը ստանալու օրվանից հետո անմիջապես ձեռնարկել համապատասխան միջոցառումներ՝ Ընկերությունում ապահովելով «Բնակչության բժշկական օգնության և սպասարկման մասին» ՀՀ օրենքի 3-րդ և 27-րդ հոդվածների 1-ին մասերի պահանջները:

2" Իրականացված միջոցառումների վերաբերյալ 5-օրյա ժամկետում գրավոր տեղեկացնել Հայաստանի Հանրապետության առողջապահական և աշխատանքի տեսչական մարմին:

3 Սույն կարգադրագիրը ծանուցել «Բիոթի» սահմանափակ պատասխանատվությամբ ընկերությանը՝ ի դեմս տնօրեն Հասմիկ Աղաջանյանի, ՀՀ ք.Երևան, Ավետ Ավետիսյան փողոց, թիվ 67 շենք, թիվ 41/1 տարածք հասցեով:

Շնորհակալություն համագործակցության համար՝



Received

X

ՀԱԿՈՐ ԱՎԱԳՅԱՆ

Signed by: AVAGYAN HAKOB 3012720166

ՀԱԿՈՐ ԱՎԱԳՅԱՆ



ՀԱՆՐԱՊԵՏՈՒԹՅԱՆ ԱՆՈՒՍԱՆՈՒԹՅԱՆ
ՏԵՇՈՒԹՅԱՆ ԿՈՐՊՈՐԱՏԻՆ
HEALTH AND LABOR INSPECTION BODY
OF THE REPUBLIC OF ARMENIA

0047 22 ք.Երևան, Նոր-Լուսաշ II Իրավապահության 129

Հեռ. (374-10) 65-05-53

Էլ. փոստ՝ info@hlhb.am

www.hlhb.am

Թեժ գիծ՝ 8107

Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից

Սույն վարչական ակտն ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության առողջապահական և աշխատանքի տեսչական մարմին:

Սույն վարչական ակտն ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է բողոքարկվել վարչական դատարան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՆՈՒԹՅԱՆ ՍԵՐՎԻՍ
HEALTH AND LABOR INSPECTION BODY
OF THE REPUBLIC OF ARMENIA

0047, ՀՀ, Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ info@hlhb.am
www.hlhb.am
Թեժ գիծ 8107